

醫便二集

三四




					漢書門
				一 二 三	
				一 一 五	
				五 四 八 九	
				冊 架 函 號 類	

					內閣文庫
				一 三 三 五	漢書
				一 五 七 六	
				冊 架 函 號 類	

內閣文庫	
番號	漢 12358
冊數	7 (6)
函號	301 76



復三集卷三



泄瀉

蓋泄

糞出少而勢緩者為瀉也

瀉

糞大出而勢直下不阻者為瀉

屬濕皆飲食

不節脾胃虛弱不能制水濕而成也若脾虛而瀉

者完穀不化補脾胃為主參苓白朮散水瀉為

濕腹不痛滲濕為主胃苓湯白朮芍藥湯熱瀉

瀉如湯火腸鳴腹痛痛陣瀉一陣宜清利為主

海陽

張受孔心如父

姚學顏伯愚父

重訂

四苓散加滑石山梔黃芩 食積瀉腹痛甚而瀉
瀉後痛減宜消導為主木香檳榔丸 痰瀉或瀉
或止或多或少宜清痰為主化痰丸 寒瀉者瀉
不腥穢水液澄徹清冷小便清白不澁身冷不渴
宜溫補為主理中湯 暑瀉者夏月中傷暑熱身
熱煩渴瀉出深黃色宜清暑為主香茹飲六和湯
蓋治瀉之法推此為善

胃苓湯

百二
十一

平胃散合四苓散加水通

食加山查神麩腹

痛加青皮砂仁

久瀉加肉果芍藥

虛加人參

內熱加黃連

小水不利加水通車前子

寒

加肉桂 夾暑合香茹飲

白朮散

百二
十一

治久瀉不止

白朮

芍藥

茯苓

甘草

肉果

水煎服

白朮芍藥湯

治脾濕水瀉

白朮

芍藥

各四
錢

甘草

二
錢

水煎服

治甲湯

百二
十三

治瀉青色腹痛乃肝木乘脾

人參

白朮

芍藥

甘草

青皮

陳皮

蒼朮 升麻 柴胡 防風 茯苓 煨薑

久瀉虛寒加附子

一神丸 百二 十三 脾腎虛瀉

破故紙 二兩 肉果 一兩 生薑煮棗肉為丸如梧

子大每用一錢空心米湯下加茴香 一兩 木香

五錢 名四神丸

砂土六一散 百二 十四 治瀉 方見後

六一散加生薑汁蒸餅丸 治泄瀉嘔吐

嘔吐

諸嘔吐酸暴注下迫皆屬於火又曰嘔吐皆屬於
胃胃氣逆上則為嘔吐也有聲有物謂之嘔吐有
物無聲為之吐有聲無物為之嘔噦者乾嘔也嘔
吐噦三者雖殊皆由脾胃虛弱所致亦有風寒入
胃而吐者藿香正氣散如胃中有火膈上有痰
二陳湯加山梔黃連生薑痰膈中焦食不能下
用二陳湯加黃連藿香山梔痞加枳實氣虛
嘔吐六君子湯加藿香 鹽炒 生薑胃氣虛用安
胃湯理中湯合二陳湯或藿香正氣散如內虛減

腹皮食加山查砂仁又昏砂養胃湯有火加黃連
聞食藥氣嘔吐者用小異功散加藿香陳冬米
神麴砂仁生薑大棗伏龍肝研細攪水澄清煎服
嘔吐蛔蟲用人參炮薑烏梅白朮黃連芍藥茯苓

苓

安胃湯

百二
十五

治胃氣虛嘔吐惡心

藿香

人參

陳皮

丁香

生薑

煎服

又用理中湯加半夏生薑

治嘔不已

百二
十六

生薑一大塊薄切層層搽鹽于內用苧麻扎緊
紙包濕煨熟取薑搗爛和黃米飲吞下

又方

藿香

陳皮

煨薑

如煎
制

陳倉米

水煎服

痢論

此症多由脾胃不和飲食不節積滯腸胃濕蒸熱
穢留鬱日深復感暑濕酷烈之毒蒸發蓄積而作
經日無積不成痢赤者濕熱傷血分白者傷氣分

赤白相雜氣血俱傷黃者食積也治法：腸胃之
濕熱開鬱結之氣消化積滯如初得一二日間元
氣未虛者必推蕩之。氣湯朴黃丸順下丸下後
未愈隨症調之。虛者不可下年老人不可下胃
虛故也亦有虛與寒者虛宜補寒宜溫。

加減芍藥湯

日二
十七

黃連 黃芩 芍藥 甘草 厚朴 木香
當歸 腹痛加砂仁 食積加山查麥芽枳實
後重加枳殼檳榔 白積加白朮茯苓陳皮 紅

積加芎歸桃仁 赤白積加歸芎蒼朮陳皮 夏
月火熱痢用黃芩黃連芍藥甘草防風兼外感加
柴胡腹痛加山查砂仁血痢加生地黃 暑痢加
香茹飲 挾濕熱而痢如豆汁者加五苓散 又
痢久胃弱用歸芍小異功散加香連 痢久而後
重不去大腸墜下去檳榔枳殼加升麻以提之
噤口痢胃熱也用倉連丸又人參黃連煎緩呷之得
一呷下咽便好又用經霜黃瓜藤葉燒灰存性同
田螺肉搗盒臍中引下其熱如服藥不効用硫黃

五錢 乳香 三錢 酒煎冷病人急嗅其氣 發能用人參白朮煎湯下益元散或用乳香為末捲紙條

煙熏鼻中 嘔甚用六君子湯加芍藥黃連生薑

小便赤澀加滑石車前山梔子 瘡後變痢從

虛治用香連砂仁條黃芩陳皮當歸白朮芍藥甘

草 百二 十八

脫肛用荆芥香附五倍蛇牀子濃煎湯熱洗又用赤

石脂鼈頭灰為末鋪放芭蕉葉上托進 百二 十九

痢後餘積不盡用加味香連丸 方見前

有疫利傳染宜明運氣勝伏而治

痢有不治症脉洪大下純血塵腐色如屋漏水身大

熱唇赤燥大孔如竹筒噤口五虛全不食俱不治

症也色如魚腦隨者半生半死也

朴黃丸 百三 十 治痢初起用

大黃 一斤以井水洗淨剉置砂鍋內用好酒浸

滿將桑柴文火煮三日酒乾即添用竹葉 攪勻使不焦底 紫厚朴 二兩薑汁拌 木香

酒乾成膏為度 檳榔 各一 兩炒 為末入大黃膏內杵千餘下丸如

梧子大每用三錢淡薑湯送下合藥時忌婦人雞

夫見之宜淨室焚香製造于每合以濟人藥到即愈此痢疾之妙劑真神効也

倉連丸

百三十一

治噤口痢

赤痢用陳倉米

三錢

黃連

七錢 薑汁炒

白痢用黃連

三

陳倉米

七錢

赤白相半用黃連倉米

各五錢

煎

露一宿空心溫服

草靈丹

百三十二

治赤白痢疾按此藥氣味寒涼去腸胃中濕熱之積初起者用之如神

鳳尾草

八兩生溫台川者佳連根用

龍鳳藤

四兩生溫州者佳

金星草

三兩狀如鴨脚者

車前草

二兩

右四草俱五月內收取陰乾俱剉和勻用山查厚朴青皮生薑

各一兩

水三碗煎一碗去查將汁拌

前四草晒乾再拌再晒汁盡為度晒極乾磁確收貯

如赤痢加黃芩黃連當歸芍藥木香如白痢加

白朮茯苓陳皮甘草木香如腹痛加芍藥當歸

砂仁木香食積加山查厚朴青皮蓬朮挾暑加

香茹飲裏急後重加枳殼檳榔小便數加木

通滑石澤瀉、挾外感加柴胡防風血痢加生地
赤芍藥阿膠側柏葉黃連黑薑、胃弱加小異功
散、下如豆汁加四苓散、若痢久而後重不去
加條芩升麻、痢久而脾胃虛者用香連歸芍小
異功散不宜用草藥、噤口痢用前倉連丸、
每服用制過草藥五錢加入隨症所用藥水一碗
半浸少刻攪勻煎四五滾約六七分去渣溫服查
再煎、

香連丸 百三十三 治一切瀉利

木香 一兩 黃連 二兩半 肉果 七個

右為末取雞子清攪和作餅以文火炙黃色變紅
研為末麵糊丸如梧子大每用五十九空心米湯
下、

消渴門

消渴之病皆由飲食炙博肥甘鹹厚酒色過度或
醉飽行房腎水枯竭心火燔熾三焦猛烈臟腑燥
熱由是而渴生焉然消渴有三症曰上消中消下
消、蓋上消者肺也心移熱於肺多飲水少食小

便澁少、面赤煩躁舌上赤裂、宜人參白虎湯、清金
降火為主、中消者胃也、多飲食而小便黃赤白
汗而大便燥堅渴而不煩、蓋足陽明胃主血熱則
消穀善飢、火旺于中則津液消爍而渴矣、先宜調
胃承氣湯、三黃丸又腎氣丸、下消者腎也、火甚
于下、腎水乾枯、煩渴引飲耳輪乾焦、小便淋濁如
膏、宜六味地黃丸、清心蓮子飲、張潔古分而治
之、能食而渴者加味白虎湯、不能食而渴者加味
白木散、上中既平不復傳下消矣、

人參白虎湯

百三十四

治上消降火清金

石膏 二錢半

人參 七分

知母

升麻

黃柏

各一

錢

甘草 五分

粳米 一撮

水煎食後服

三黃丸

百三十五

治中消

黃芩

黃連

大黃

石膏

各一兩

右爲末密丸、梧子大每服三十九、米湯送下、

兔絲丸

百三十六

治下消

兔絲子

五兩

五味子

五錢

白茯苓

熟地黃

蓮肉

各一兩五錢

山查肉

三兩

右為末酒糊丸梧子大每用七十九空心酒下

硃砂丸 百三 治心虛蘊熱消渴

硃砂 五錢 黃連末 一兩 生地末 一兩

蜜九菜豆大每用五十九燈心湯下

人乳膏 百三 治消渴

黃連末 天花粉 各一兩 人乳汁 生地汁

藕汁 各一碗 薑汁 一小盞 蜜 四兩

熬成膏自沸湯下

加味白朮散 百三 治不食而消

人參 白朮 茯苓 甘草 木香 黃柏

知母 各五分 乾葛 一錢 五味子 十粒 水煎服

麥門冬湯 百四 治消渴

知母 天花粉 麥門冬 人參 炙甘草

生地 葛根 茯苓 淡竹葉 水煎服

參芪湯 百四 治下消

人參 桔梗 各五分 黃芪 茯苓 當歸

芍藥 天花 各一錢 五味 九粒 甘草 三分 烏梅

水煎服

清心蓮子飲 百四十二

治腎消小便淋濁

石蓮子 七個

赤茯苓

麥門冬

車前子

黃芩 各一錢

人參 五分

黃芪 七分

地骨皮 八分

甘草 三分

加燈心薑煎服

如渴甚加知母

五味天花

小便多除車前子加益智仁小便

澀加滑石

大便澀加大黃枳殼

丹溪謂三消多屬血虛不能生津液俱宜四物湯為

主 百四十三

上消者本方加人參麥門五味天花煎入藕汁生

地汁人乳汁

飲酒人加葛根

中消者本方加知母石膏滑石以制胃火

下消者本方加知母黃柏熟地五味以滋腎水

加味腎氣丸 百四十四

十四

治腎消渴甚溺清長而味甘

六味地黃丸加五味肉桂益智仁鹿角膠

怔忡驚悸門

怔 心動不安

忡 憂也

驚 恐怖

悸 心築然

慮則傷心心主血血虛則神不定而怔忡驚悸之

病作矣宜安神丸定志丸

有怒氣傷于肝肝藏

血、肝傷則損血、血少則心無所養而前症作矣、宜
理心脾、養血安神為主、又有膏粱之人、過食厚
味、鬱積痰飲于胸膈、俾清氣不得升發、亦為是症
者、宜溫膽湯導痰開鬱為主、有因事失志、或遇
怪異危險聲響、惕惕不安者、宜歸脾湯、瘦人血
少、用四物湯下安神丸、肥人多痰、用溫膽湯下安
神丸、去歸地血虛之脉浮濇、濡弱、痰鬱之脉緊細
而沈、血虛則補、養痰鬱則疏、利治方詳之、

開鬱散 白四 治痰鬱怔忡

二陳湯加川芎、香附、枳殼、蒼朮、連翹、木通、腹皮、

安神丸 百四 治血虛怔忡驚悸

黃連 六錢 硃砂 四錢 生地 歸身 甘草 各二錢

右為末、湯浸蒸餅丸、如黍米大、每服十五丸、食後

津下一方無歸地

定志丸 百四 治心虛怔忡驚悸

人參 一兩 茯苓 遠志 石菖蒲 麥門冬

茯神 各七錢 牛黃 一錢

右為末、蜜丸、梧子大、硃砂為衣、每用二三十九食

後白湯送下

溫膽湯

百四十八

治心膽怯怔忡易驚

二陳湯加枳實竹茹水煎服

導痰湯

百四十九

治痰鬱怔忡

二陳湯加麥門枳殼人參桔梗竹茹黃連山梔

薑煎

治憂愁思慮傷心驚悸

百五十

歸身

遠志

生地

茯神

各五錢

石菖蒲

黃連

各二錢五分

牛黃

一錢另研

硃砂

二錢另研

金箔

十五片

右前六味為末入牛黃硃砂和勻用猪心血丸如

黍米大金箔為衣每服五十九空心白湯下

治憂思過度氣血虛損

百五十一

人物湯加麥門五味遠志酸棗仁煎服

茯神散

百五十二

治驚悸心忡

茯神

遠志

人參

酸棗仁

黃芪

通草

桔梗

甘草

麥門冬

姜

水煎服

歸脾湯

百五十三

治思慮過度勞傷心脾怔忡

白朮 茯神 黃芪 酸棗仁 龍眼肉 各一錢

人參 木香 各五分 甘草 炙二分 姜 棗

水煎服

不寐 百五十四

老人氣血衰肌肉不滑榮衛之道澁而不寐者宜
八物湯加酸棗仁遠志麥門五味○有胃氣不和
不寐內經曰胃不和則臥不安用六君子湯加當
歸棗仁 有思慮過度傷脾不寐者用歸脾湯
有心血不足驚悸不寐者用安神丸 有痰流胆

經不寐者宜溫胆湯加棗仁或導痰湯加山梔子

有內傷外感邪熱在內不寐者宜辨症治之

有曲運神機則傷心血而不寐者宜安神丸犀角

地黃湯 有不得志而憂愁不臥者虛則補中益

氣湯實則導赤散又養靜為上否則藥不效矣

顛狂論

內經曰陽明厥則顛狂腹滿不臥面赤身熱妄言
妄見甚則弃衣而走登高而歌踰垣上屋罵詈不
避親疎蓋得之于陽氣太盛胃與大腸實熱燥火

鬱結于中而爲之也。又曰顛爲心血不足，狂爲痰火實盛，多爲求望高遠，不得志者。久之治法，顛宜安神養血，狂宜乎利下。大槩皆是熱痰結于心胸。治宜開痰鎮心神爲主。又曰初病宜瀉，其實久病宜安其神。亦有中邪者，皆由氣血不固，邪因而入。以治邪法療之。經曰脉沈小急實者不治，脉大虛滑者自己。若神脫日瞪如愚，痴者不治，甚則有紅筋紋在頂上者，可刺出惡血爲妙。

一或問顛狂之病何由而得也。曰有因心血不足，神無所依而痴者，治以安神養血爲主。有因六淫所感，邪火盛實，痰迷心竅而痴狂者，與傷寒發狂者同吐之，亦可利之，亦可。有因驚恐失心而病者，鎮心安神爲主。有因七情所傷，妄想不遂而痴者，非藥可療，必遂其志而愈。有因邪祟爲患而痴者，未有不因血氣先虧而致也。其脉乍疎乍數，乍大乍小，或便或結也。用秦承祖灸鬼法，灸治病者曰我自去，我自去，卽愈。

一婦人如癰，夜臥如醉，恍惚不知人事。天明蘇醒，妄

言妄語諸方不効或謂鬼魅所臨懇宋真人禳之
曰此狐精為患法施符咒一白狐狸墜地如縛狀
以炭火焚之腥臭不可聞自后神彩如舊前症頓
愈有一婦為邪聖所臨求真符咒驅祛而愈
一室女年一十八歲患言語無倫或笑或詈時作時
止或謂邪祟侵以治邪法療之不已或謂心血不
足痰迷心竅用鎮心安神養血開痰之劑又吐痰
利痰等藥皆不効勢必不起余謂諸方不効必渠
欲配不遂邪火鬱結于心也當擇塔配之而或可

愈父母從之擇塔成婚陰陽交畢即睡臥週時醒
而前症頓除又一女亦如前症以前法配之而愈
牛黃瀉心散百五十五 治心經邪熱狂言妄語心神不
安

冰片 硃砂各一錢五分 大黃生晒一兩

右為末和勻再研每用三錢生姜蜜水調下

滾痰丸百五十六 治痰迷心竅 方見痰門

靈苑方 治顛疾失心

辰砂一兩 酸棗仁 乳香各五錢

各研末和勻作一服温酒調下以醉爲度便安置
床枕令臥待其自醒萬一驚寐不可復治此孫真
人醫相國寺僧全愈故傳于世也又本事方加人
參一兩蜜丸如彈子大每用一丸薄荷湯化下
苦參丸百五十七治癲狂不避水火大叫欲殺人

苦參爲末蜜丸梧子大每用二十九

治心血不足百五十八

用胎衣煮熟蘸辰砂末食之 又法用胎衣焙乾
爲末飯爲丸如小豆大辰炒爲衣每用二錢清米

湯送下

治心神不足神不守舍

二陳湯加人參黃連遠志棗仁麥門生地水煎吞
安神丸

一人年三十餘歲患顛狂痴症罵詈妄言不避親疎
或舉刀斧人不能禁遂以鐵索鎖于柱上余謂痰
迷心竅吐之可愈又恐其不肯服藥兩日不與飲
食使之飢甚令旁人各吃無藥餠痴人見吃哀
求不已遂與藥餅一个吃完卽吐稠痰碗許大睡

一覺遂不復痴。又一婦人二十餘歲卒然暴仆氣復卽甦。余謂身軀肥胖六脉寔大乃痰結心胃以藥餅食之卽吐濃痰數碗後以理氣行痰之藥治之遂不再發此座驗之良方也故梓之。

餠餅方 百五十九

專治顛狂癩症

信分一 雌黃分一 菘豆 三十一六粒 山梔仁 四生用

右共為末每用五分和麥麩肉做成餠餅蒸熟食之熱茶送下少頃卽吐吐後不可食熱物以溫涼湯與之。

痞滿

痞滿與脹滿不同脹滿內脹而外亦形痞則內覺痞悶而外無脹急之形也皆由脾氣虛弱氣血不運而成心下填滿痞塞也經曰濁氣在上則生填脹治用黃芩黃連枳實之苦以瀉之厚朴生姜半夏之辛以散之人參白朮之甘溫以補之茯苓澤瀉之鹹淡以滲之山查麦芽神麴以消之有七情鬱結而心下痞滿不思飲食者宜木香化滯飲有傷寒下早而作痞者宜小陷胸湯。

木香化滯飲 百六

川芎 當歸 枳殼 陳皮 木香 柴胡

甘草 草豆蔻 紅花 半夏 生姜 三片

水煎服

治飲食過傷痞滿作痛 百六

大黃 四兩 三稜 蓬朮 各七錢

先將大黃剉用醋浸慢火熬成膏入稜朮末攪勻
丸如小豆大每用五十九空心白湯送下

灸結胸痞滿法 百六

巴豆 七粒 黃連末 一錢

同研作餅貼臍上用艾于餅上灸三五壯氣下行
利下即溫養

腫脹

內經曰諸濕腫滿皆屬於脾又曰諸腹脹大皆屬
于熱蓋脾虛不能制水水漬妄行滲透經絡故通
身面目俱浮腫也皆因六淫七情飲食房勞以致
脾陰受傷胃雖受納脾虛不能運化則濕鬱為熱
濕熱相搏遂成腫脹治宜補脾養肺以制水滋腎

以制火得肺金清肅水道通調下輸膀胱病自愈矣如濕熱侵淫而脾土尚壯先為疎導丑補散得浮腫稍退再為調理脾肺

大橘皮湯 百六十三

白朮 陳皮 茯苓 猪苓 澤瀉 檳榔

木香 木通 滑石 厚朴

上腫加防風下腫加防已米仁

香砂五皮散 百六十四

木香 砂仁 蘿蔔子 枳殼 木通 猪苓

澤瀉 茯苓皮 桑白皮 大腹皮 陳皮

生姜皮 水煎服 熱加山梔子

滲濕湯 百六十五 治濕熱腫溺數

生地黃 黃連 天花粉 芍藥 柴胡

木通 茯苓 知母 防風 稠柳子

水煎服

理中湯 百六十六 治脾胃氣虛腫滿

人參 三錢 附子 一錢 白朮 二錢 茯苓 二錢 陳皮

一錢五分 生地黃 三錢 柴胡 一錢五分 稠柳子 三錢

水煎服故曰氣虛不補邪何由退

疎表飲百六十七 治風寒鬱于肌表面而遍身浮腫

羌活 紫蘇 柴胡 薄荷 獨活 川芎

枳殼 陳皮 桔梗

水煎服汗出愈

貼臍法百六十八

輕粉二錢 巴豆肉四錢 硫黃一錢

同研成餅先以布一片鋪臍上次以藥餅掩貼又以川絹縛定如行三五里泄下惡水待行三五次脫

藥以溫粥補之久患隔日取一次

又方

田螺四 大蒜四 車前子四錢

共搗膏貼臍中以絹縛之貼三五次小水自然多

消腫方百六十九

陳皮 青皮 砂仁 連翹 枳殼 桑皮

杏仁 甘遂 亭薤子 川椒目 大黃炒

黑牽牛半生半熟 胡椒一錢 木香二錢

木通七錢

右為淨末醋糊丸如梧子大第一服五更初用葱湯送下三錢以消上部腫第二服五更初用陳皮湯送下三錢以消中部腫第三服五更初用桑皮湯送下三錢以消下部腫服後又看何處不消仍用煎法前湯送下無不効也消後即用補實脾胃藥庶免再來忌油膩酸生冷等物

治脾氣不實四肢浮腫小便赤澁氣急喘滿百七

- 赤茯苓 香附 桑皮 大腹皮 炮姜
- 澤瀉 陳皮 水煎服

附治石干散 胃苓湯

丑補散 遇仙丹

疸論

皆由濕熱鬱積于脾胃復為風濕所搏熱氣熏蒸而徧身皮膚面目爪甲小水俱黃如金色也治宜去濕利小便又有傷風寒解散未盡亦能發黃如疸狀不可不辨

茵陳五苓散百七十一

五苓散加茵陳黃連山梔木香車前子方見濕門

茯苓滲濕湯 百七
十二

四苓散加黃連防己茵陳青皮枳實 水煎服

草藥方 百七
十三

仙人對坐草一把搗用草料酒藥白酒入瓶內

夾煮一時漸服之

又方 見後雜方內

黃疸皆由飲食所傷濕熱鬱積于脾胃則遍身俱

黃腫也用消腫丸先消積滯若脾虛怯力黃病宜

補脾胃為主歸芍六君子湯

綠礬平胃丸 百七
十四

蒼朮 厚朴 陳皮 青皮 各一兩半 香附

草果 各二兩 砂仁 一兩 綠礬 生晒白色者三兩

一右為末黃米糊丸如梧子大每用二錢空心米湯

下

調中丸 百七
十五 治傷寒陽症失下鬱積發黃

茵陳 山梔 木通 赤茯苓 大黃 猪苓

澤瀉 白朮 連翹 水煎服

凡黃腫人愛吃茶葉生米泥土等物若愛一味用一

百七
十五

一味一斤 同使君子二兩 炒 外檳榔南星各一兩 姜汁煮晒乾
炒 右為末蜜丸梧子大空心沙糖湯送下五十九

心痛論

心痛即胃脘痛有氣有血須分新久寒熱而治
因氣鬱則食不化而痛者宜開鬱消導為主 過
食辛熱傷血血凝作痛者清熱養血為主 原有
舊病因感而發審所感之症而治之 脾胃傷損
而虛痛或嘔惡用補中益氣湯加藿香生姜大棗

食積痛用潤字丸下之

治寒痛百七十六

胡椒七粒 藜豆九粒 為末酒下或理中丸

七氣湯百七十七 治七情氣鬱心腹絞痛

白豆仁 薄桂 甘草 人參 半夏

大腹皮 胡椒七粒 姜 煎服

治心氣痛方百七十八 治心痛久不愈

張又銅錢散 方見慈幼心傳

治心痛身熱脉數 方見後

腹痛論

腹痛有寒有熱有食積有蟲有瘀血 隱隱而痛
痛無增減者寒也理中湯 一陣一陣而痛身熱
而赤熱也四順清涼飲 方見傳心錄 痛甚欲大便
利後痛減者食積也遇仙丹潤下丸 痛而小便
不利欲得辛熱湯濕痰也二陳合五苓散 時作
時止或作陣痛嘔吐清水者蟲也宜安蟲散 痛
有常處不移動手按不住者瘀血也消瘀飲

治傷食痛 百七

平胃散加山查神麴青皮砂仁

安蟲散 百八

二陳湯加烏梅檳榔黃連厚朴史君子川練子
炮姜

治火痛 百八

黃連 黃芩 芍藥 甘草 水煎服

消瘀飲 百八

當歸 生地黃 芍藥 甘草 紅花 桃仁
玄胡索 水煎服 痛甚加大黃

治腹痛無藥處

百八十三

用食鹽二錢白滾湯調一碗頓服吐痰痛止

腰痛論

腎受病則腰滯而痛未必不因房室過度負重勞傷之所致也 痛之不已伸屈不能腎虛也八味

地黄丸巨勝子丸補腎丸

方見虛損門

因挫閃而

日輕夜重者瘀血也宜當歸紅花蘇木柴胡青皮肉桂桃仁乳沒玄胡等 遇天陰則痛濕也用防

風黃柏柴胡蒼朮白芷香附澤瀉等 由腎虛六

淫乘虛而入痛者宜六味地黄丸料為主辨其所

感而加之 或七情失志傷腎而痛宜益陰腎氣

丸 或負重所傷氣血蓄滯着而為痛用當歸活

血湯 有食積痰飲流注作痛者宜木香化滯湯

當歸活血湯

百八十四

治寒濕氣血凝滯腰痛

當歸

赤芍藥

白芷

威靈仙

肉桂

防風

羌活

秦艽

杜仲

水酒煎服

治腰痛

百八十五

當歸

三錢

生地

七錢

杜仲

一錢五分

牛膝

一錢五分

木香一錢

為末蜜丸梧子大鹽湯送下三錢

煨腎丸百八十六

杜仲 破故紙等分 為末猪腰子一个切作

七片以椒鹽醃去腥水拌藥末在內以荷葉包之

更加濕紙二三重謾火煨熟食之無灰酒下

木香化滯湯百八十七 治食積痰飲腰痛

木香 檳榔 橘紅 枳實 半夏 甘草

破故紙 水煎服

治腎虛腰痛用此貼百八十八

大附子 川烏 南星各二錢半 雄黃 硃砂各一錢

丁香 樟腦 乾姜 吳茱萸各一錢半

右為末用牛膠生姜搗汁半碗溶化調敷疼處

治腎虛腰痛百八十九

杜仲 牛膝 熟地黄 玄胡索各五錢

當歸七錢半 防風 羌活各三錢半 附子一个童便制

肉桂一錢半

右為末煉蜜丸如梧子大每用三錢空心淡鹽湯

送下

貼寒濕腰痛膏藥 百九

葱汁 兩一 桐油 兩一 薑汁 兩一 松香 兩三

熬成膏貼之

脇痛

皆由七情一有不遂則生鬱鬱久則生火壅遏經
隧充塞清道而為是症宜抑肝木為主用柴胡川
芎香附黃連瓜蒌芍藥龍胆草青皮山梔砂仁
有瘀血停留於肝歸於脇下而痛用青皮桃仁紅

花川芎香附當歸柴胡便秘痛甚加大黃 酒蒸

有痰積流注經絡用二陳湯加南星蒼朮川芎青
皮白芥子熱加黃芩山梔子

治臂痛不能屈伸 百九

當歸 川芎 甘草 陳皮 防已 防風

生地黄 威靈仙 秦艽 紅花 薄桂

蒼朮 羌活 痰加南星半夏 水煎服

又丸藥方 百九

苦參 羌活 防風 川芎 當歸 天麻

胡麻 何首烏 地膚子 秦艽 各一兩 乳香

沒藥 各五錢 薄桂 二錢

右爲末蜜丸如小豆大空心好酒送下三錢更宜慎口節慾又宜灸肩俞曲池無有不安者也

血論

血症皆因榮衛失調七情六氣相干致血逆亂變生失血妄行之症大抵血從上溢者爲逆難治血從下流者爲順易治上溢者衄血吐血咳嗽血嚔血唾血也下流者便血溺血也

鼻衄血出於肺 百九十三

生地黄 芍藥 當歸頭 知母 黃柏

黃芩 甘草 茅花

又用犀角地黄湯加山梔藕汁扁柏黃芩磨京墨三匙溫服 又山梔白芷燒存性爲末吹鼻內

若勞役內煩時或衄血用人參黃芪當歸芍藥麥門

甘草生地黄黃柏藕汁

吐血嘔血溢于胃 百九十四

犀角地黄湯加山梔童便薑汁 胃火加石膏

有思慮傷脾不能統血歸經而吐血者用歸脾湯
 若暑氣攻心而嘔血用香茹飲加麥門生地茅
 根 若怒氣傷肝則氣逆而不納血用川芎香附
 山梔等 若吐血而精神疲憊用獨參湯 吐紫
 血塊者用承氣湯下之 吐血不止用生地汁茅
 根汁藕汁扁柏汁童便京墨磨下

咳嗽血出于肺 百九十五

火鬱肺中治宜清肺降火開鬱清痰咳止而血亦
 止也用川芎當歸甘草貝母桔梗桑皮杏仁生地

前胡阿膠 陰火加知母黃栢 若嗽血痰多血
 少用貝母陳皮瓜萋桔梗天麥二冬桑皮杏仁黃
 連地骨皮 若嗽血而痰少血多用歸芍丹皮貝
 母杏仁茅根甘草山梔黃連荆芥

唾血出於腎 百九十六

隨唾而出亦有瘀血內積肺氣壅遏不能下降用
 二門冬知母貝母桔梗黃栢熟地乾薑 熱痰加
 瓜萋黃連

嚔血出於腎 百九十七

生熟地黄連黃芩枸杞地骨皮柴胡天門冬芍藥
甘草黃芪 久不止用犀角地黄湯加阿膠扁柏
蒲黃棕灰煎服

大便下血

百九十八

內為七情酒食所傷外為風寒暑濕相干致氣血
逆亂令人下血血清者是虛濁者濕熱鮮者屬火
黑者熱極也大法風濕則祛之寒則溫之熱則清
之停滯則疏滌之有毒解利之

腸風臟毒下血

百九十九

因好食煎燂辛熱之物抑渴脾臟之間久而遂
成膿毒注於大腸或為痔疾

小便溺血

二百

因房勞致傷精氣心腎氣結而熱陰虛火動而血
妄行也若小便出血不痛者此心移熱於小腸故
血從精竅中出也用四物湯加岑連山梔以瀉本
經之火又小蓟湯方見淋門

加減四物湯

治諸血

二百一

川芎

當歸

地黄

芍藥

胃火薰蒸吐血加山梔黃芩黃栢童便薑汁 氣

鬱加山梔香附青皮 陰虛火動吐血加知母黃

栢天麥二冬人參五味山藥炮薑 脾胃氣虛加

參芪白朮茯苓

藕汁飲 治諸血 二百

生藕節汁生地汁大薊汁生蜜加薑汁少許和

每用二錢飲

玄霜膏 治吐血後虛嗽 二百

生地黃 麥門冬 扁栢葉 各四兩 欬冬花

紫苑 各二兩 蘿蔔汁 四兩 薑汁 一兩 梨汁 八兩

白糖霜 柿霜 各四兩 右為末 白茯苓 八兩 另末

用人乳三碗浸茯苓曬乾將前藥末拌諸汁再加

白蜜 四兩 置砂鍋內慢火熬成膏臥時挑食噙化

百沸湯調亦可

天門冬丸 治咳血 二百

天門冬 一兩 甘草 茯苓 杏仁 阿膠

貝母 各五錢

右為末煉蜜丸桐子大每服三錢白湯送下

麥門冬湯 治先見血後痰嗽 二百五

麥門冬 當歸 川芎 芍藥 生地

貝母 天花粉 山梔 牡丹皮

薑水煎服

知母地黄湯 治先咳嗽後見血 二百六

知母 貝母 瓜蒌仁 生地 天花粉

芍藥 山梔 麥門冬

薑水煎服

茜根散 治衄血 二百七

茜根 側柏葉 阿膠 黃芩 生地 甘草

薑水煎服

三黃湯 治熱結大腸下血 二百八

黃連 黃芩 山梔 大黃

薑水煎服

加味四物湯 治腸風下血 二百九

當歸 生地 芍藥 川芎 條芩 防風

荆芥 黃柏 桑皮 地榆 升麻 白芷

蒲黃 炒 槐角子

水煎服

又丸藥方二百

黃連四兩

兩

條芩

地榆

枳殼

白芷

栝葉

荊芥

各一兩

槐花

二兩

舊棕灰

五錢

京墨灰

三錢

甘草梢

三錢

右為末好酒糊丸梧子大每服三錢空心白湯下

聚金丸

治大使血煩熱腹痛或酒毒下血二百

黃連四兩

一兩

兩水浸一兩炒

兩生用

條芩

兩炮

防風

各一兩

夏月加大黃一兩

蒸

右為末麩糊丸梧子大每三錢空心白湯下

苦參湯

治內痔下血二百

黃連

炒禱

條芩

炒焦

大黃

酒蒸

荊芥

炒

苦參

赤芍藥

枳殼

防風

水煎服

治糞後血積

謂脾虛不能攝血二百

人參

白朮

茯苓

陳皮

甘草

柴胡

升麻

黃連

水煎服

醫便二集 卷三
治房勞太過溺血二百十四

四物湯加牛膝山梔黃連薑煎服

連梅丸 治腸風下血亦治血痢二百十五

胡黃連炒 烏梅肉煨存性 伏龍肝各一兩

右為末濃茶調下三錢

臙連丸 治腸風下血方見二百十六

秘結

津液不潤則大便燥結皆因飲食房勞或恣飲酒漿過食辛熱或六淫之火降下以致火盛水涸津液不

生傳道失常漸成燥結有虛秘熱秘風結陰結陽結血少有皮約者謂胃強脾弱約束津液不得四布但輸膀胱故小便數而大便難也用脾約丸欲便不能出者膽導之或蜜導瓜導

脾約丸 此惟實者可暫用虛秘者須養血健脾蓋

脾得血而能運也二百十七

麻仁一兩 枳實 厚朴 芍藥各二兩 大黃四兩

杏仁一兩二錢

右為末蜜丸梧子大每用二錢白湯下

潤腸丸 二百十八

熟地黄 當歸尾 紅花 桃仁 生地黄

麻仁 已上各一兩 升麻 五錢 大黃 二兩 甘草 一錢

為末蜜丸姜湯下二錢

潤腸湯 二百十九

當歸 紅花 郁李仁 栝子仁 杏仁

枳殼 黃芩 檳榔

水煎服

治大小便秘結莖中熱痛難忍 二百二十

生地黄 山梔子 甘草稍 柴胡 黃柏

車前子 木通 升麻

水煎服

治老人血少便結 二百二十一

桃仁 杏仁 栝子仁 松子仁 郁李仁

火麻仁 酒煮大黃 各等分

共搗爛丸如梧子六空心酒下三錢

掩臍法 治二便不通 二百二十二

連根葱 生薑 豉 鹽

同搗掩臍中以絹札定良久氣透自通如不通再

一劑

搜風順氣丸 治老人便秘腸風臟毒治肌表中風

熱去脾胃中積滯 二百二

車前子 檳榔 火麻子 微炒 去壳 牛膝 枳殼

兔絲子 酒蒸搗 鐵晒乾 郁李仁 另研 山藥 姜汁炒 各二兩

防風 獨活 山茱萸肉 各一兩

大黃 五兩 一半生 一半蒸熟

右為末煉蜜丸如梧子大每服四十九空心酒送

下

淋門

丹溪曰淋雖有五皆屬於熱宜清熱和水為主亦有房勞過度而淋者宜滋腎氣為主

導赤散 二百二 十四

生地黄 木通 甘草稍 加赤茯苓

淡竹葉 熱加黃連 莖中痛加山梔黃芩

水煎服

小蘗湯 治血淋溺血 二百二 十五

卷之三

山梔子 生地黄 木通 小蘗 淡竹葉

甘草稍 滑石 蒲黃 匾栢葉

水煎加車前汁服

阿膠散 治血淋 二百二十六

阿膠炒成珠 猪苓 澤瀉 赤茯苓

滑石 各一錢 車前子

薑水煎服

益元固真湯 治縱慾強留不泄滲下作淋 二百二十七

人參 茯苓 蓮蕊 巴戟 升麻 益智

黃栢 山藥 澤瀉 甘草稍

水煎服

治遺精小便痛 二百二十八

生熟地黄 各三錢 木通 黃栢 山梔子 各一錢半

甘草稍 一錢 升麻

水煎空心服

治夢遺白濁 二百二十九

人參 黃芪 甘草 麥門冬 赤茯苓

石蓮子 地骨皮 車前子 黃芩 燈心

水煎服

治火動夢遺 二百三

人參 當歸 生地 遠志 酸棗仁

茯苓 甘草 石蓮肉

水煎服

治夢泄 二百三

白朮 四兩 牡蠣 煨一兩

右為末用猪肚一箇入藥在內以線札定水煮爛

搗為丸如桐子大每用三錢空心清米湯下

治小便秘塞不通 二百三

滑石 茯苓 知母 澤瀉 黃柏

水煎服

八正散 治小便閉 二百三

大黃 瞿麥 扁蓄 木通 滑石 山梔

車前子 甘草梢 燈心

水煎服

治腎虛小便秘 二百三

六味地黃丸料加知母黃柏山梔木通

汗

白汗屬陽虛 二百三十五

人參 黃芪 白朮 甘草 當歸 浮小麥

水煎服

又內傷自汗 二百三十六

補中益氣湯加麥門浮麥腎虛加知母黃柏

盜汗屬陰虛 二百三十七

生地黄 當歸 黃連 黃柏 黃芩

麻黃節 黃芪 牡蠣

水煎服

又十全大補湯加浮麥麻黃根麥門牡蠣

治表虛盜汗 二百三十八

黃芪 白朮 人參 山藥 各一錢 茯苓

陳皮 匾豆 乾薑 各六分

水煎溫服

心虛加麥門冬酸棗仁

治自汗 二百三十九

麻黃根 牡蠣 煨 黃芪 蜜炙 各等分浮麥 一撮

水煎服

治盜汗不止

二百四十

五倍子炒為末津液調填臍中以絹縛一夜即

愈



醫便二集卷三

終

醫便二集卷四

海陽

張受孔心如父

姚學顏伯愚父

重訂

婦人門

調經

婦人之病四時六淫所感七情所傷悉與男子治法
一同然異於男子者無非血病多因經脉失於調理
胎產不善保護至有崩漏帶下墮胎難產之患大槩
以經候如期為安或有愆期即生病也

醫便二集 卷四
經水過期而來色淡有水以混之者氣血虛也宜順氣養血為主未及期而來紫色者血熱也黑者熱之甚也清火養血為主經行成塊者血凝氣滯也將行作痛者血滯也皆調氣養血為主飲食勞役損傷脾胃以致血少而經水不行者宜養血調脾為主或七情六氣傷感致經絡痺滯而經水不行者審所感之症而治之或素怯弱致經絡涸竭而經水不行者宜順氣養血調脾為主脾旺則能生血而經水自行矣調血養榮湯 治氣多血少 二百四十一

當歸

芍藥

各二錢

川芎

一錢有火上
升用三分

木香

一分

茯苓

一錢二分

白豆仁

一錢

氣不順加陳皮香附砂仁

欲清氣加黃連

欲

劑氣加檳榔青皮

欲清腑加木通澤瀉麥門冬

潮熱加牡丹皮山梔子柴胡

脾虛加參朮

加山查神麩

心熱加生地麥門冬

四製香附丸

治婦人調氣為主

二百四十二

香附

一斤

右四製好酒童便醋鹽水各浸七日焙乾為末醋

糊丸如小豆大酒下三錢

加減四物湯 治婦人養血為主 二百四十三

當歸 川芎 地黃 芍藥

氣不順加木香陳皮砂仁 內熱加黃岑知母柴

胡痰加貝母茯苓 經不行加紅花桃仁 經行

腹痛加玄胡索丹參肉桂山查 小腹結塊痛加

三稜蓬朮肉桂玄胡青皮紅花 血枯經閉加參

米甘草紅花香附 不及期而來加阿膠條芩丹

皮香附 過期而來加人參白朮陳皮茯苓 肥

人過期不來加二陳湯 經水過多加條芩炒黑

荆芥阿膠丹皮生地炮薑續斷 經水色淡如黃

漿乃脾胃中有痰加二陳湯加生地蒼朮 經水

如塵烟色加荆芥穗 經水如豆汁乃經絡中有

風熱加黃岑黃連荆芥防風 腸冷腹痛加乾薑

玄胡索肉桂

加味益母丸 治經中諸般奇症及赤白帶下 二百四十四

益母草 五月採陰乾 當歸 四兩 川芎 三兩

砂仁 二兩

右為末蜜丸如彈子六分用二九童便和酒或白

湯送下

通經丸

二百四

大黃

四兩

香附

四兩

共為末如彈子六分用二九童便和酒或白

送下

治經阻血塊痛

一百四

大黃

分作四分一分酒煮曬一分醋煮曬一分童便煮

一分鹽水煮曬俱煮七次合一處又蒸曬七次再

用當歸地黃

各一兩五錢

煎汁煮糊丸梧子大每用五

六十九丸用紅花小茴香煎湯送下

艾附丸

調經二百四十七

香附一斤

一半酒浸七日一半童便浸七日淨艾四兩同香

附用好醋五碗入砂鍋內煮乾曬為末下後藥為

丸川芎當歸

各一兩

生地黃芍藥

各二兩

右為末醋糊丸梧子大空心醋湯下三錢

加味四物丸 治婦人身軀肥壯脂膏閉塞子宮而

不孕者又服受孕二百四十八

生地 川芎 芍藥 當歸各二兩 貝母一兩

香附八兩製 同前 砂仁二兩 赤白茯苓各一兩生

赤白參二兩 枳壳二兩 條芩一兩

玄胡索一兩

右為末煉蜜丸如桐子大每服三錢空心白湯送

下

崩漏

內經曰陰虛陽搏為崩倏然暴下 謂之崩 漏淋漓不斲 謂之漏 若將

息失宜喜怒不常勞役過度大傷於肝肝為血之府

傷之則不能藏血而為崩中漏下 或因脾胃氣虛

下陷於腎與相火相合濕熱下迫而致者宜調脾胃養

血為主 或悲思憂恐太甚陽氣內動真陰乃虛不

能鎮守胞絡相火故血走而崩者宜養血安神為主

或大小產新瘥遽觸房事皆作崩中漏下之疾 或

經水未絕慾熾而傷血海為崩漏者皆宜養血為主

守靜為上

加減四物湯 二百四十九

當歸 川芎 芍藥 地黄 艾 阿膠

香附 丹皮 薑

水煎服

如不止加地榆續斷炒黑荆芥 氣虛加參朮黃

芪升麻 寒加炮薑血熱加芩連山梔 思慮傷

心用歸脾湯加阿膠續斷 氣血兩虛用十全大

補湯加黑薑阿膠甚則加附子 脾胃虛不能統

血歸經用補中益氣湯加阿膠又參苓白朮散

八灰散 治血崩 二百五十五

蓮房 舊棕 乾姜 人髮 芍藥 栢葉

艾 歸頭 多燒存性等分

右為末醋糊丸如桐子大空心白湯下 二錢如久不

止用十全大補湯加阿膠水煎送下

治熱崩 二百五十一

條芩 八兩炒黑存性

右為末飯丸空心米湯下 二錢

帶下 穢液常流請之帶下

白屬氣赤屬血皆濕熱為病熱氣屈結於腸中而帶下也。有胃中積痰流下滲入膀胱而為帶下。有脾胃氣虛不能約制其水而為帶下也。有因內慾過度或勞力內熱而為帶下也。肥人多是濕痰瘦人少此如有是熱也。治法以辛苦寒涼之藥使微者甚者皆得鬱結開通濕去燥除熱散氣和而愈。二疎湯加二木升麻柴胡荆芥白葵花芍藥黃栢附米熱加黃連。血虛加當歸。赤帶加生地。氣虛加人參白朮。

歸膠丸 治赤白帶下 二百五

當歸 身頭 何膠 炒成

赤芍藥 熟地黃

白芍藥 牡蠣 煨 續斷 各二兩 地榆 一兩

牡丹皮 一兩 白芷 炒

右為末醋糊丸如梧子大每服五十九空心米湯送下

白芷散 治同前 二百五

白芷 一兩 海螵蛸 二兩 胎髮灰 一箇

右為末空心好酒調下二錢

柴胡湯 治久崩後白帶不止二百五十四

柴胡 甘草 人參 炮薑 陳皮 黃芩

白葵花 郁李仁

水煎服食物壓之

養榮丸 治婦人月水不調赤白帶下血虛發熱二百五十五

五十

生地 一斤剉片 焙為末

當歸 十兩 川芎 芍藥

條芩 牡丹皮 赤丹參 白朮 續斷 各六兩

香附 一斤半童便 半醋浸炒

右為末煉蜜丸如桐子大每服三錢空心白湯送

下

加砂仁 四兩 亦妙

子嗣論

內經曰陰搏陽別謂之有子是謂血氣和平則陽施而陰化也蓋人之夫婦猶天地然天地之道陰陽和而後萬物育夫婦之道陰陽和而後男女生欲求嗣者先自己清心寡慾又調其婦之經脉經脉既調則氣血和平而宜乎有娠矣若是肥盛婦人不能成胎

者謂之軀脂滿溢閉塞子宮不能受精而施化也宜
行濕燥痰之劑若怯瘦性急婦人不能成胎者謂子
宮乾澁血少不能攝受精氣宜養血滋陰爲主若經
水不調宜調經准期俟月水方絕金水纔生此時子
宮正開乃受精結胎之候妙合太和之時過此佳期
則子宮閉而不受胎矣如月候方經一日三日五日
交會者成男二日四日六日交會者成女過此則不
孕矣又曰陰血先至陽精後衝乃血開裹精而男形
成矣若陽精先至陰血後參乃精開裹血而女形成
矣成形之後一月如珠露慎宜保養若再一會其胎
卽散無嗣者當思無後爲大無怠無忽

種子論

易曰天地絪縕萬物化醇男女媾精萬物化生則絪
縕者升降凝聚之謂也媾精者配合交感之謂也必
二氣合則化自生矣然則人之不孕者豈夫婦無一
交感之遇耶不知種子之道有四一日擇地二日養
種上三日乘時四日投虛是也蓋地則母之精也種
則父之精也時則兩情交媾之時也虛則去舊生新

之初也苟暗於此使陰失其道而氣勝血衰衰則寒熱乘之氣凝血滯而榮衛不和經水先後多寡不一而陰不能受陽失其道而氣虛精弱弱則原於色慾過度耗其精元精元既耗譬之射者力微矢在安能中的而陽不能施如是則陰涸陽枯生生之道息矣種子之法安所施乎必也夫婦自相保守而又資以藥餌之力示以調攝之宜候以如期之法則經調精養尚何不孕之足慮哉此歷試歷驗百發百中者也可而可忽諸然受孕後又當戒慾不知自慎而慾火一

動則子宮復開以致淫火燥胎不惟多致半產漏下即生子亦多瘡毒夭傷而隳前功於一旦矣世人多慾徃徃蹈此余故采菽園雜記所載者而潤色之云

爾

種子三益膏 治少年斷喪其元虛損中年無子婦

人血虛不孕此方一料夫婦齊服服盡即孕如婦

人經准氣血壯而無病者不宜服 二百五十六

大肉菘蓉 酒洗去浮甲 何首烏 用竹刀切黑豆上九蒸九晒

淮生地黃 切片酒拌九蒸九晒 山茱萸肉 枸杞子

沙苑蒺藜

真者炒香
去沙土

兔絲子

酒浸一宿搗
成餅曬乾炒

杜仲

去皮鹽酒
炒斷絲

麥門冬

去心各
四兩

栝子仁

去
壳

白茯苓

去皮為末
人乳拌晒

川牛膝

與何首烏同
蒸各二兩

補骨脂

二兩
水炒

右俱要淨末用新鮮紫河車一具頭胎者佳以白

酒洗淨夾紙者燭焙和前末又龜膠鹿角膠

各八兩

以酒化開同煎如乾加蜜為丸如梧子大

每服三

下氣虛加人參

二兩

忌葱蒜蘿

蔔煎燻等物合時宜一二九十月淨室精修勿令

婦人鷄犬見之余與蘭亭俱年五十無子服此一

料俱育三子傳方與人無不應効問有不應者皆

由不善保養故服藥不効也湖州府醫官朱惠民

記

胎前

胎前得氣血和平百病不生若氣旺而熱熱則耗血

而胎不安當清熱養血為主若能早絕嗜慾安養胎

氣起居飲食調養得宜則胎育自安若傷感別症皆

以安胎為主當按症兼治不可汗吐下不可利小便

故曰胎前不損子 又云安胎之法有二因母病以致動胎者但療母則胎自安或胎氣不固觸動以致母病者宜安胎而母自愈

安胎散 二百五十七

當歸 川芎 芍藥 熟地黄 人參

白朮 陳皮 甘草 紫蘇 砂仁 條芩

胎脹加大腹皮香附枳殼 小水短少加茯苓車

前子通草 痰加貝母去地黄 嘔惡加半夏藿

香

當歸散 娠婦常宜服之 二百五十八

當歸 川芎 芍藥 條芩 各二兩 白朮 一兩

右為末酒糊丸桐子大每服五十九白湯下

固胎丸 受孕三四月用之以防墮胎

杜仲 半斤姜汁煮炒 續斷 二兩酒浸炒

右為末棗肉丸如梧子大空心米湯下五十九

天仙藤飲 治娠姪三月兩足腫至膝 二百五十九

天仙藤 即青木香藤炒 陳皮 香附 甘草

烏藥 木香 蘇葉 生薑 三片

水煎服

人參竹茹湯 治娠妊二三月惡食作吐倦怠嗜臥

此病不宜多服藥三月後自止

人參分五 陳皮錢二 竹茹一團姜汁炒 茯苓錢一

薑煎服

治娠婦遺尿失禁二百六

白薇炒 白芍藥炒各等分

右為末每用二錢空心酒調每日三服

治娠婦二三月時嘔吐惡聞食氣二百六

六君子湯加砂仁薑棗

治胎漏淋瀝不已及月經妄行二百六

當歸酒浸 桑寄生 川續斷 川芎 白朮

香附 人參 阿膠 茯神 甘草

水煎服

治娠婦小便澁少淋瀝作痛二百六

麥門 通草 赤茯苓 當歸 燈心

甘草 條芩 芍藥 細辛

水煎服

治面目四肢浮腫

二百六十五

白朮

茯苓

生薑皮

大腹皮

陳皮

各一兩

右為末每服二錢空心米湯調下

又方

二百六十六

四物四苓加條芩山梔車前子

治胎前心腹痛胎痛不安

二百六十七

砂仁

不拘多少

右為末每用一七溫酒調下

治胎因火動逆上喘急

二百六十八

條芩

香附

等分

右為末白湯調下每服二三錢

治娘婦心煩熱悶

二百六十九

麥門

茯苓

人參

甘草

知母

黃芩

防風

竹葉

水煎服

治漏胎下血

二百七十

條芩

五錢

白朮

一兩

砂仁

炒

阿膠

炒成珠各三兩

右為末每用二錢艾湯調下

又方 二百七十一

四物湯加白朮茯苓阿膠續斷桑寄生杜仲甘草艾氣虛加入參升麻

治娠婦六七箇月胎氣上冲脹滿腹痛 二百七十二

大腹皮 川芎 紫蘇 當歸 芍藥

人參 陳皮 甘草 生薑

內熱加條芩 脹加枳殼去人參 腹痛加木香

東胎丸 七八箇月服之 二百七十三

條芩 酒炒夏用一兩春秋七錢半冬五錢 白朮 二兩 茯苓 七錢五分

陳皮 一兩

右爲末粥丸空心白湯下五十九

達生散 八九箇月宜服七八帖 二百七十四

白朮 茯苓 當歸 川芎 大腹皮

紫蘇梗 甘草 條芩 枳殼 砂仁

又方 二百七十五

枳殼 香附 甘草 川芎 當歸 蘇葉

腹皮

水煎服九月尾十月頭先服一二帖尤妙

催生方二百七十六

川芎 當歸 紅花 白芷 赤芍藥

炮薑 青皮

水煎服

又方二百七十七

秋葵子 車前子 白芷 枳殼 紅花

水煎服

又益母丸方見前 二百七十八

產難

娠婦以血為本氣順則血和胎安則產順如過於安逸致氣血凝滯胎不轉運而產難也或八九箇月內不謹房事使精血聚於胞中而產難也或厚味奉養氣實胞肥者當用瘦胎飲否則有難產之患故胎前宜順氣養血保護則無難產之患也

兔腦丸 治難產二百七十九

兔腦十二月取去膜研如泥 乳香研 母丁香研各一錢

射香研一字

共和勻兔腦丸如鷄豆大陰乾油紙密封或蠟丸

固臨產溫水送下一丸立產

下死胎二百八十

射香五分

官桂三錢

秋葵子

二錢花亦可

右為末溫酒調下三錢即下

又方二百八十一

朴硝五錢

右為末白滾湯送下

難產方二百八十二

魚膠

一尺新瓦上煨存性

射香

一分

右同研好酒調下立產

胞漿水早行胎澁不下

二百八十三

猪肝六兩

白蜜

三兩

右好酒三碗水二碗煎三碗分作二次服即

生

逆產楷生二百八十四

婦人右腳小指尖三灸三壯立產其艾壯如小麥

大

胎衣不下二百八十五

齊東野語

牛膝 當歸尾 木通 滑石 秋葵子 各三錢

水煎連三服

又方 二百八十六

牛膝 三兩

水煎調朴硝二錢服

治產難胎衣不下 二百八十七

單麻子 七粒 巴豆 三粒

右研如泥加射香少許作餅貼臍下

治難產 二百八十八

柞刺枝一握淨洗剉入甘草 五錢

右水煎服

益母丸 治難產 二百八十九

五月五日午時順手採取來陰乾用葉為末煉蜜丸如彈子大難產酒化一丸服多用亦可

產後

產後氣血已虛不宜施汗吐下及攻擊之劑故曰產後不得虛也惟當大補氣血雖有他症以末治之也 兼治 如脾胃素弱忌食生冷乾硬難化之物新產當

先理惡血不盡不可用寒劑蓋血得冷則凝然產後有發熱腹痛等症者皆由惡露不盡也加味芎歸湯主之

加味芎歸湯 治產後惡露不盡頭疼發熱腹痛

十九

川芎 當歸 益母草 炮薑 紅花

桃仁 丹參 山查 荆芥 茯苓 澤蘭

水煎服

芎歸湯 治血暈

川芎 當歸 益母草 腹痛加桂

水酒煎服

清魂散 治血暈

澤蘭 荆芥 川芎 人參

甘草

水酒煎服

參歸湯

人參 阿膠 荆芥穗

水煎臨服加童便半酒盞服三四劑若血脫用人

參兩 當歸錢五 阿膠錢三 炮薑錢二 艾錢二

荊芥穗錢炒二

冰煎

瘧後血暈不醒二百九十四

韭菜一把

一細切入有嘴瓶中熱醋沃入瓶內包三六瓶口把瓶

一嘴向產婦鼻中薰之立甦用回生丹

瘀血攻心悶絕二百九十五

黑煤重四兩 一塊

炭火上燒紅投入好酒一碗內去煤名霹靂酒飲

之即甦

瘀血不絕血塊作痛二百九十六

當歸 五靈脂 血竭 川芎 莪朮 等分

右為末醋糊丸如小豆大好酒送下三錢

養血祛風化痰丸 治婦人產後血虛為風所侵頭

痛久不止二百九十七

竹節白附子 殭蚕 當歸各五錢 烏藥

熟地黄各二兩 全蝎洗去土 瓦上焙 芍藥 甘菊

檳榔 細辛 各七錢

右為末麵糊丸如棗豆大每服三錢食遠好酒送

下

產後傷食飽悶發熱 二百九十八

陳皮 厚朴 茯苓 山查 神曲 香附

枳實 砂仁 甘草

水煎服

回生丹 治難產胞衣不下產後諸症神効 二百九十九

當歸 生地 赤芍藥 川芎 香附 醋浸

玄胡索 桃仁 去皮尖 蒲黃 炒 烏藥 各一兩

三稜 醋炒 五靈脂 醋制 陳皮 羌活 各五錢

續斷 五錢 青皮 白朮 人參 茯苓 各三錢

甘草 三錢 木香 乳香 沒藥 各一錢五分 共為末

大黃 一斤為末 蘇木 三兩敲碎用水五碗煎三碗去查留汁

紅花 三兩炒用酒五碗煎三碗去查留汁 黑豆 三升水煮熟取汁三碗

右先將大黃末下鍋內着好米醋四碗攪勻熬成膏次下前汁再攪熬成膏與前藥末和為丸如彈子大每用一丸酒頓化服如產後無乳用天花當

歸穿山甲各五分 爲末同入酒內頓化服令揉乳干
餘手其乳即出如湧泉

乳汁不通 三百

通草 二兩

猪懸蹄 一副

川芎 二兩

甘草 一錢

穿山甲 十四片 炒爲末

水煮熟喫猪蹄及汁外以葱湯洗乳頻揉

又煎藥方 三百

天花粉

通草

赤芍

木通

瞿麥

青皮

白芷

連翹

甘草

柴胡

桔梗

穿山甲

水煎服以手摩乳房吮服之

治乳少 三百

漏蘆 二錢

濃煎調鍾乳粉 二錢

服

無兒喫乳脹痛 三百

麥芽末每用三錢白湯下

治乳癰 三百

廣膠 五錢

右剉炒成珠爲末好酒調下

貼乳癰 三百

南星 白芷 皂角 半夏 僵蚕 草烏

右等分爲末葱汁調塗外以綿紙封之絹縛緊日
易二次

又山藥搗貼亦妙

小產墮胎

皆由氣血虛損不能榮養胎元而墮如枝枯則葉落
藤委則花墜或七情太甚內火發動猶火能銷物而
墮也或過傷飢飽勞役動胎而墮也或過於房事觸
動其胎而墮也或勞力跌蹶閃挫傷動其胎而墮也

然小產重於大產大產如瓜熟自落小產如採生瓜
斷其根蒂非自然者蓋胎臟損傷胞繫腐爛然後胎
墮治宜補虛生肌肉養臟氣生新血去瘀血爲主或
素有墮胎之患者宜按法治之否則至期亦墮也

芎歸湯 治小產後腹痛 三百六

川芎 當歸 玄胡索 桃仁 紅花

香附 澤蘭 山查

水煎服

胎氣不固欲墮 三百七

四物加白朮條苓砂仁阿膠香附粘米
水煎服

小產後去血過多昏憤三百

人參 當歸 阿膠 荆芥 炮薑 艾葉
水煎服

保胎丸 累墮胎久不育者服之保胎不墮三百

白朮兩四 條苓 當歸 人參 杜仲各一兩

續斷兩一 陳皮 香附各一兩 熟地黃一兩

右為末糯米糊丸如菉豆大每服七十九空心白

湯下

治乳癰方三百

青皮 甘草節 瓜婁仁 穿山甲 當歸

沒藥各一錢 金銀花 皂角刺 青橘葉各三錢

酒水各半煎服

又方用蒲公英金銀花水煎入酒佐空心服亦妙

乳癰乳梗乳岩 紅腫而高大者為乳癰淺者為乳

梗深而中凹者為乳岩蓋乳房胃經所行之處乳

頭肝經所屬皆因忿怒所逆鬱悶所遏厚味所釀

以致肝氣不行故竅閉不通胃經之血騰沸故熱甚而化濃也或小兒含乳而臥口氣熾熱所吹而為外吹前方為主孕婦乳梗而為內吹前方加安胎藥為主已破用人參黃芪甘草節當歸川芎芍藥青皮瓜婁仁連翹金銀花皂角刺孕婦加白朮條芩蘇梗砂仁安胎為主三百一

消毒飲

治乳癰初起立退

三百一

樺皮

一兩取川椒包內者剉

用白酒一碗半煎五分溫服其渣再加青橘葉半

夏加好醋同搗如泥塗患處外以綿紙封之以絹縛之立退

醫便二集卷四終

